

FAMILIENUUS



12 Oktober 2025

Wat jy hierdie week moet weet!



erediens



VANDAG

Ons nooi jou uit na Sondag se erediens om 09:30 in ons kerkgebou. Daar is geen erediens in die Kobus Hattingh-saal nie agv opgraderings.

Kom drink heerlike koffie na afloop van die erediens in die kerksaal.

DEUROFFER: GIDEONS

1 Petrus 1:24-25 “Die Skrif sê: Die mens is soos gras, en al sy prag soos ‘n veldblom: Die gras verdor en die blom val af, maar die Woord van die Here, dit bly vir ewig, en hierdie Woord is die evangelie wat aan julle verkondig is.”

Die Gideons is ‘n groep mans met hul gades as Hulpgroep. Hulle hoofdoel is om die Bybel te versprei en op dié wyse mense tot geloof te lei. Die Gideonbeweging bestaan reeds 73 jaar. In die RSA is reeds sedert 1950, 44 miljoen Bybels geplaas. Wêreldwyd word die Bybel in 109 tale deur Gideons versprei.

Outeniqualand se bydrae het gehelp om hierdie plasings moontlik te maak! Daarvoor dank ons die Here. Wat kan JY vir ons doen om ons bediening in ‘n groeiende skoolbevolking en gemeenskap volhoubaar te maak? 1. Bid vir die Gideons én 2. Sluit aan as lid of vriend van die Gideons.

Vir dit wat die Gideons in 73 jaar kon bereik kom die eer nie mense toe nie, maar ons Leidsman en Hemels Vader. Aan Hom die eer! Vir meer inligting oor die Gideons kan jy vir Schalk Boshoff skakel by 082 370 1494.

VOLGENDE SONDAG

Jy word hartlik uitgenooi na die erediens 09:30 by die kerk te Sinksabrug. Die Vonkies hervat weer op die 19de.

DEUROFFER

Verlede Sondag het ons R1 942 ingesamel vir Radio Kansel. Volgende Sondag se deuroffer gaan vir Missie Japan.



oorgee



GETROUHEID/ GEHOORSAAMHEID



Rekeningbesonderhede: NGK Outeniqualand; FNB Tjek rekening; Rek nr: 623 584 60401; Takkode 210-114. *Verwysing: Deuroffer/Dankoffer/Projek/Bankkol lekte ens.*



FNB
First National Bank



Snap here to pay

SnapScan

BYBELSTUDIES

Kontak gerus vir Pieter Landman by 072 518 6964 as jy belangstel om aan te sluit.

- Bybelstudie vir mans: Do om 08:00 by die Kerksaal te Sinksabrug.
- Bybelstudie vir dames: Do om 09:30 by Serah Bester se huis.

WAARVOOR IS JY DANKBAAR?

Oktobermaand is om die draai en soos gebruiklik is dit dié tyd van die jaar wanneer ons gemeentelede die geleentheid kry om op 'n spesiale manier, bo en behalwe ons maandelikse dankoffers, ons dankbaarheid teenoor ons Hemelse Vader te betoon vir al die goedheid, guns en genade, wat ons so onverdiend uit Sy hand ontvang. Ons het soveel om voor dankbaar te wees en ons staan soms maar net verstom oor hoe die Here hierdie gemeente seën en versorg, te midde van soveel ander gemeentes in ons onmiddellike omgewing en wyer, wat regtig sukkel om kop bo water te hou.

Dankbaarheidsoffers en die omvang daarvan, is 'n saak tussen ons en ons Hemelse Vader. Dit sal egter wonderlik wees as elkeen van ons lidmate iets gee, maak nie saak hoeveel nie!

Gedurende Oktober sal die gebruiklike koevert met die woorde "My dankbaarheidsoffer" in die voorportaal van die kerk beskikbaar wees. Neem gerus daarvan om jou dankbaarheidsoffer in te plaas, indien dit jou voorkeur is. Tydens die Nagmaalsdiens op Sondag, 26 Oktober vanjaar, wanneer ons ook Hervormingsfees vier, sal jy die geleentheid kry om jou koevert in te gee. Sou dit nie op daardie dag moontlik wees nie, kan jy dit op enige ander Sondag, of by die kerkkantoor ingee. Talle mense verkies dit deesdae om sulke betalings **elektronies** te doen en julle is meer as welkom om hierdie metode van betaling te gebruik. **Merk dit asseblief dan net baie duidelik as "10de Dankbaarheidsoffer".**

Ons wil graag elke Outeniqualander bedank vir die mooi gesindheid wat julle nog altyd teenoor hierdie belangrike saak openbaar het. Dit maak vanjaar so 9,2% van ons inkomstebegroting uit en ons vertrou dat die Here ook hierin sal voorsien.

Diensgroep vir Finansies



omgee



ONS BID VIR...

Kronies

Annemarie Swart, Marion van Niekerk.

Herstel

Roelf v Schalkwyk, Hendrik Visser, Willie Wentzel, Marlene Beyers, Blommetjie du Toit, Ivy Horn, Frank Robertson, Sissie Oosthuizen, Sollie Nortje, Marina van Dyk.


Kanker

Debbie de Klerk, Tredoux Faasen en Henning Buitendagh.

1. Gideons: (Deuroffer) Bid vir hierdie instansie wat Bybels, die Goeie Nuus, (bv. in skole gevangenis, gastehuse en hotelle) versprei. Bid vir die verteenwoordigers in ons gemeente.
2. Die droogte in ons streek raak kritiek. Bid steeds dat die Here goeie deurdringende reëns sal gee.
3. Bid dat daar vordering gemaak sal word met opregte vredesamsprekinge in die Midde-Ooste.
4. Die vakansie is verby. Bid dat elkeen wat spanning ervaar in hierdie laaste kwartaal (eksamens, werksdruk, belangrike lewensveranderende keuses, persoonlike omstandighede), die kommer vir God sal gee. 1 Pet 5:7
5. Bid die Woord: “die Here julle God gaan saam met julle....”. (Deut31:6) Bid teen angstigheid in ons lewens.

DANKIE:

- ✠ Dat ons kan terugkyk en U hand van seën, genade en liefde erken in ons lewens. Lees Ps. 16: 5-11.
- ✠ Dat U ons seën, sodat ons ander kan seën / tot seën kan wees.



GEBEDSUITDAGING VIR DIE WEEK:

Slegs dit wat jy in Jesus se hand sit kan Hy verander – As dit nie in Sy hande is nie, dan is dit in verkeerde hande.

VERJAARSDAE

Baie geluk aan elkeen wat in die week vanaf 12 tot 18 Okt verjaar:

So 12

Elize Odendaal
Marna Scholtz

Ma 13

Carel Jacobs
Dennis Muller
Pieter Roux

Di 14

Jandrew Barnard
Arthur jnr Cockcroft



Wo 15

Hilda Steyn
Marie Swart
Johan Uys

Do 16

Essie Albertse
Marcelle Byleveld

Vr 17

Annette Lane
Suzanne Schreuder
Salomie Young

Sa 18

Malan Barnard
Ena Briers

RAAK BETROKKE BY DIE GEBEDSBEDIENING

Raak deel van Outeniqualand se Runieke whatsapp-gebedsgroep of gee gebedsversoeke deur sodat ons jou kan bystaan in gebed! Kontak asb. vir ds. Jan by 084 258 8646. As jy net eers wil weet hoe dit werk, kontak vir Merinda by die kerkkantoor (044-876 1058).

Ons stel twee Gebedsinisiatiewe van die gemeente bekend:

1. 'n Gebedskamer (ou moederskamer) agter in kerkgebou vir gebruik deur ons lidmate. Julle kan voor/tydens eredienste daar kom bid.
2. 'n Prentjiemooi gebedstuin wat by die KH-saal te Glentana gevestig is. Kom beleef God in die stilte van sy skepping!

OMGEE VRIENDE

Ons het reeds vroeër die oogmerk agter die omgee-vriende gedeel. Dit gaan oor die uitkyk vir mekaar en die bou van verhoudinge. Hoe gaan dit werklik met ons bure, die ander mense in die straat en die kwesbare individue in ons omgewing, al is hulle lidmate of nie?

Hierdie "uitkyk" behoort die primêre vangnet te wees waar behoeftes geïdentifiseer kan word. In die aanspreek van die behoefte word verhoudings dan hopelik gebou.

'n Tweede vangnet is die beskikbaarstelling van 'n selfoon-nummer waar individue hul behoeftes aan ons kan deurgee, byvoorbeeld 'n doktersbesoek waarheen vervoer benodig word, 'n geleentheid na 'n apteek om

medikasie af te haal of hulp met kruideniersaankope.

By ontvangs van 'n versoek, sal dit aan die lid van hierdie groep wat geografies die naaste aan die persoon woon wat hulp verlang, deurgegee word. Iets wat ons meen nogal belangrik is, is die anonimiteit van enige individu wat na ons uitreik. Ons is almal trots en vra moeilik hulp. Ons wil mét mense praat nie óór hulle nie.

**Die noodnummer is:
083 925 5701**

Chris en Carina
Lamprecht



NAAMBALKIES

Die gemeente raak groter en mense sukkel om al die nuwe familieledes se name te onthou. Iemand het voorgestel dat ons naambalkies moet dra. Omdat ons versigtig is om dinge te oorreguleer, het die kerkraad besluit om dit nie as 'n projek vanuit die kerkkantoor te bedryf nie.

Lidmate wat gemaklik is om naambalkies (die magneet tipes) te dra, word aangemoedig om vir hom/haar self 'n naambalkie te laat maak.



Daar is 'n besigheid in Groot Brakrivier waar die naambalkie gemaak kan word: ePiLa. Hulle is

baie naby aan waar die ou Pick'nPay was. Dit kos min of meer R85 vir 'n naambalkie. Hulle kan gekontak word by 066 520 3743.

As jy reeds oor 'n naambalkie beskik, is jy welkom om dit ook te dra.

SPOEGDOEKE

Christelle Prinsloo wil graag haar nuwe kleinkind se spoegdoeke omgehekel hê. As jy kan help kontak haar asb. by 083 234 9590.



aangee



IS KINDERS EN ONDERWYS VIR JOU BELANGRIK?

Outeniqualand is baie betrokke by die skole in ons area. Om kommunikasie te verbeter, is daar 2 verteenwoordigers vir elke skool aangewys. Ons kort op hierdie stadium nog 2 verteenwoordigers vir **Diepkloof Kleuterskool**.

Die rol van die verteenwoordigers is om eerstens die personeel te **bemoedig** en tweedens om enige **behoefte** wat by die skole mag ontstaan onder die gemeenteliers se aandag te bring.

Indien jy bereid is om te help kan jy vir Elna kontak by 082 552 7831 of jou naam by die kerkkantoor kom ingee.

SOKKERDAG (SIX-A-SIDE) – 25 OKTOBER

Die Sokkerdag wat ons Diensgroep vir Getuienis vir ons landelike skole aanbied, skuif vanaf Saterdag 13 September na 25 Oktober 2025.

Kom sluit aan by die span van die Sokkerdag 2025!

Dit is 'n heerlike projek vir hele gesin om by betrokke te raak. Die skole wat uitgenooi word is: Diepkloof Primêr, Hoogekraal Primêr, Laerskool Van Der Hoven, Friemersheim Primêr, Herold Primêr en nog 'n paar skole van ons area.

Hier is die afdelings waar hulp benodig word:



- ★ Terrein
- ★ Apparaat
- ★ Klank
- ★ Noodhulp
- ★ Pryse
- ★ Trofee's
- ★ Medaljes
- ★ Worsbrode
- ★ Koeldranke
- ★ Aankondigers
- ★ Opening
- ★ Skeidsregters
- ★ Baanbeampes
- ★ Optog
- ★ Skole
- ★ Borge
- ★ Aktiwiteite

As jy meer wil weet of betrokke wil raak by hierdie projek, kontak vir Charles by 082 402 9312.

KONFYT VIR ONS PELGRIMS

Ons wil graag die pelgrims wat hier by Outeniqualand aandoen op pad na Mosselbaai bederf met heerlike tuisgemaakte konfyt. As jy kan help, kan jy vir Annemarie kontak by 084 551 6282 of jy kan die konfyt by die kantoor aflewer.




inligting



MAGNEET LEGKAARTE

Daar is nog 'n paar magneet legkaarte oor (75 jarige feesvieringe). Dit is gratis uitgedeel tydens ons reeks oor Ontmoetings. Indien iemand dalk nie een gekry het nie, kan dit gratis by die kerkkantoor afgehaal word.



WHATSAPP KOMMUNIKASIE

Indien jy die gemeente se kommunikasie via Whatsapp wil ontvang, stuur 'n Whatsapp boodskap na ds Jan se nommer(084 258 8646) met jou naam daarby. (Jy hoef nie jou lidmaatskap hiervoor aan te vra nie).

KALENDER 2026

2026 is om die draai! Mens kan dit skaars glo.

Daar gaan binnekort in alle erns begin beplan word aan die 2026 kalender. Gemeentelede kry vir 2026 weer die geleentheid om 'n bladsy in die kalender te borg @ R350 en 'n mooi teksvers of geestelike aanhaling, wat vir jou besonderse betekenis het, in daardie maand met die gemeente te deel.



Stuur 'n whatsapp na 082 3 45 456 of 'n epos aan ngouteniqua@gmail.com met: Jou naam/die maand wat jy verkies/ bewoording van die boodskap.

Besighede is ook welkom om 'n bladsy te borg.

Dankie - Januarie, September en Oktober 2026 is reeds geborg.

ONS VERWELKOM NUWE LIDMATE....

Vanaf NGK De Bruinpark, Ermelo: Erhard en Christelle Prinsloo.

Ons hoop dat julle 'n ware geestelike tuiste sal vind in Outeniqualand.

SOMERBASAAR 18 Desember 2025

Die 1ste Basaarvergadering is op Woensdag 22 Oktober om 17:00 in die kerksaal te Sinksabrug. Alle lidmate is baie welkom.

Nuwe idees en
insette is altyd
welkom!!

As jy net eers wil kom luister, is jy ook welkom. Ons sal jou nie dwing om iets te doen waarvoor jy nie kans sien nie.

Ons het elke lidmaat se bereidwilligheid, gawes en talente nodig om die Somerbasaar weer 'n reuse sukses te maak.

As jy nie die vergadering kan bywoon nie, kan jy die Familienuus

dophou vir plekke waar jy betrokke kan raak.

SNUFFELGIDS

Die Snuffelgids gaan nie meer in die Familienuus verskyn nie.

SONDAG 26 OKTOBER

Na afloop van die Nagmaaldiens gaan ons lekker saam kuier en braai onder die bome op die kerkterrein. Ons voorsien tafels, kole en braaidromme (daar sal stoele ook wees). Bring asb. jou eie kampstoel, eetgerei, drinkgoed, kos, braaitang en caserols. Jy is welkom om ook piekniekkos te bring as jy nie lus is vir braai nie.

Ons wil graag lekker sosiaal saam verkeer en mekaar beter leer ken. Moet dit nie mis nie!

As jy nie iemand het om vir jou te braai nie, sal ons mans voorsien wat jou vleis kan braai. As jy nuut is en nog nie baie mense ken nie, kan jy vir Maryna kontak by 082 650 7613.

